



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

LVI. Sacerdos sciens aliquem reum criminis, ad instantiam illius qui
damnum passus est, potest eum excommunicare, non tamen potest eum
a publicis officiis remouere.

urn:nbn:de:hbz:466:1-15588

latum est, perierit iustitiam, potest excommunicare au-
ctorem damni, licet ei confessus sit, sed tamen non potest
nominatim eum remouere a communione, licet sciat eum
esse reum: quia non ut iudex scit, sed ut Deus. Sed eum
debet admonere, ne se ingerat, quia nec Christus Iudam a
communione remouit.

C A P. L VI. *Idem ex Concilio Maticensi.*

In decretis
Burch.
Iuonis,
Gratiani,
hac tribuitur
Conciliu-
lo Tolera-
no.

De seruorum ordinatione, qui passim ad gradus eccl-
esiasticos indiscrete promouentur, placuit omnibus cum
sacris Canonibus concordare: & statutum est, ut nullus
episcoporum deinceps ad sacros ordines eos promouere
præsumat, nisi prius a dominis suis libertatem sint conse-
cuti: & si quilibet seruus dominum suum fugiens, aut la-
titans, aut adhibitis testibus munere conductis, vel corru-
ptis, aut qualibet calliditate, vel fraude ad gradus ecclesias-
ticos peruererit, decretum est, ut deponatur, & domi-
nus eius eum recipiat. Si vero avus vel pater ab alia patria
in aliam migrans, in eadem prouincia filium generit, &
ipse filius ibidem educatus ad gradus ecclesiasticos pro-
motus fuerit, & vtrum seruus sit, ignotum sit: & postea
veniens dominus illius, legibus eum acquisierit, sanctum
est, ut si dominus illius libertatem illi dare voluerit, in
gradu suo permaneat: Si vero eum catena seruitutis a ca-
stris dominicis abstrahere voluerit, gradum amittat, quia
iuxta sacros Canones, vilis persona manens, sacerdotii
dignitate frui non potest.

C A P. L VII. *Innocentius Aquileiensis patriarchæ.*

Quoties frater noster Adispertinus *Tudertinus episco-
pus, & in nostra & in vestra præsentia fuerit de simonia
impetus, prudentiam tuam latere non credimus: cuius
causa nostra tandem ventilata præsentia, produci sunt
accusatores & testes, viua voce & scripto accusantes eum,
eo quod ecclesiam sancti Petri de Paio, presbytero Pau-
lo dedit pro mittendis quatuor modiis frumenti, quos ab
eadem ecclesia suscepit. Verum quoniam neque testes,
neque accusantes secundum formam Canonum sancto-
rum patrum in causa illa procedere potuerunt: com-
muni fratrum nostrorum consilio iudicamus, ut tertia ma-

Hec paulo
aliter in de-
cretalibus
titulo 34.

ANNO
CHRISTI
1178.

*Triden-
tinus